

大學叢書

內科全書

上册

盛在珩等著

商務印書館發行

大 學 叢 書

內 科 全 書

上 冊

57301
8404

大 學 叢 書
內 科 全 書

上 冊

著 作 者

盛余汪吳朱張
在雲企濟其猷
珩岫張時輝卿

商 務 印 書 館 發 行

大學叢書委員會

委員

丁燮林君	李聖五君	竺可楨君	唐鉞君	傅斯年君
王世杰君	李權時君	胡適君	郭任遠君	傅運森君
王雲五君	余青松君	胡庶華君	陶孟和君	鄒魯君
任鴻雋君	何炳松君	姜立夫君	陳裕光君	鄭貞文君
朱經農君	辛樹幟君	翁之龍君	曹惠羣君	鄭振鐸君
朱家驊君	吳澤霖君	翁文灝君	張伯苓君	劉秉麟君
李四光君	吳經熊君	馬君武君	梅貽琦君	劉湛恩君
李建勛君	周仁君	馬寅初君	程天放君	黎照寰君
李書華君	周昌壽君	孫貴定君	程演生君	蔡元培君
李書田君	秉志君	徐誦明君	馮友蘭君	蔣夢麟君
				顧頡剛君
				羅家倫君
				顏福慶君
				顏任光君
				歐元懷君

內科全書序

四明余 巖撰

內科外科不同乎。曰：一而已矣。一者何。曰：理而已矣。然而世人皆曰：中醫精內科，西醫精外科，非歟。曰：吾所謂理者，非陰陽五行之說也。非三部九候營衛血氣十二經脈之謂也。非憑空結撰出入主奴一國一家之私言也。本之乎解剖徵之乎實驗範圍乎自然科學之律令審慎乎客觀唯物之現象鉤隱燭幽批卻導窾各國學者之所共認者也。天下之公理也。萬物得之而爲物理，生人得之而爲生理，疾病得之而爲病理，藥石得之而爲藥理，醫學全體胥出乎此。獨內外科云乎哉。

今夫治病猶治水也不察地勢不審源流未有不妄施堙障魚吾民而溺天下者也。用藥猶用兵也不知山川險要不諳敵情其不自陷絕地也幾希矣。自內經不詳藏府形勢皇甫謐甲乙經又爲後人所亂。書中英法所引太素經千金方隋唐諸明堂圖。隋志有明堂孔穴圖三卷

唐志有黃帝十二卷又黃帝明堂五臟圖一卷黃帝十二卷黃帝明堂三卷佚不復見矣。吾不知古人所言

之內景何云也。世所傳者宋王惟一銅人圖耳。其說內景猶前世史官之言外國地理也。猶緯書之言災眚也。猶綱目之言天變也。影響造作百不一中以無憑之談作欺人之事。語二

出醫林
改錯

循斯道也。以診病論治。其猶盲人瞎馬之宵行也。王黹滄有言曰。若非泰西之書入

中國。則藏府真形。雖飲上池水者。亦未曾洞見。以余觀之。奚啻藏府真形而已。內病之變化。非實行解剖。能洞見癥結乎。彼外科之病。全身證候之外。如發熱等頭痛。必有一處焉。或為紅腫。或為糜爛。或化膿流血。或變形損肌。西醫所謂局部證候者也。內科亦然。亦必有一處焉。或為紅腫。或為糜爛。或化膿流血。或變形損肌。而後全身證候相應而生。卒中之腦。有出血。胸胃之痛。有潰瘍。肝臟硬縮。必致水臌。心瓣缺損。乃起浮腫。癆瘵之肺。空洞常如巖穴。傷寒之腸潰爛。或至破穿。外呈何候。必內具何變。此徵之病。理解剖驗之數千百人。而莫之或爽者。也。由此觀之。內外科之病狀。同也。特在外者易見。在內者難識。宜乎為中醫之所不能見。而以肝旺陰虛痰飲風濕之言糊塗了之也。王念西慨瘍醫不識方脈。見外科準繩自序不知內科之醫徒習方脈而不識藏府之中。亦有變化如外科者也。而況乎方脈之道。亦有大不可恃者乎。脈法之謬有拙著靈素商兌辨之

難之者曰。獸之蒙皮也。生毛發汗。革囊盛水而不漏。何則。生死之體殊也。故有形之死。質可覩。無形之功用。不可覩。見王秉衡重慶堂隨筆勢不能再剝活人之皮肉。一一比之。見陸九芝世補齋醫書無乃

膠柱鼓瑟。治絲而棼之耶。胡次瑤讀全茲說也。以視中西異體之論。其學問見識。高一籌矣。

蓋理初癸巳類稿言西人藏府與中國異如土人四癰人六葉彼土人七葉中
土人心七竅彼土人四竅中土人舉丸二彼土人四癰人六葉彼土人七葉中

究學問之方。不若是之鹵莽也。人之死也。其耳目手足未聞移位。易方者何。獨疑乎內景之位置。人之罹瘡毒外症而死者。瘡毒之形死後依然何。獨疑乎內病之變化。槁木之枝其文理昭然可尋。何獨疑於死肌況乎血液循環之事。實脊髓反射之真相。驗之僵尸。冥不能得。謂非求之生物乎。且剝活人皮肉亦尋常事耳。外科日精而剖腹剝腸之事。數見不鮮。人之藏府內景之疾病。何日不日諦審而手摩撫耶。必誣以僅驗死體。亦所見之不廣矣。

記曰。君子務本。本立而道生。言學問之基本不可不固也。中醫之高者。陰陽五行而外。無極太極。河圖洛書。無不博採兼收。杳渺其說。以眩聽者。自以爲能通天地造物之情矣。此太古神代之哲學。而以唱於科學昌明之日。楊子雲所謂造蕭何之律於唐虞之世者也。試問於日月運行寒暑往來之理。能言之精鑿如西學者乎。大至於天文地理。精至於名數理化。奇至於聲光慈電。微至於細菌原蟲。能考之周密翔實如西學者乎。恐標榜氣運之說者。亦將曰。吾不如也。然則其所謂得天地造化之祕奧者。果安在哉。嗟乎。我國醫學其卓然以實在。

之現象立言而不被陰陽氣運之毒者神農本草經而已。

仲景傷寒論不言氣運矣然間有五行之說雜入其中獨本草經一

字不涉陰陽五行此與名法兩家及儒言之言本經言味絕無性氣之說後人加之失其本旨矣

宋元而

還上工大師效宋儒性理之習好談立言於是有摭摭內經巫祝之學以註解古方誣枉本

經者而王安道并神農嘗百草而疑之。

溯洄集謂生知大聖可不嘗而知云云

馬元素程德齋輩且隨干支配

合而用藥實驗科學之精神至此掃地矣夫天道遠人道邇古有深戒舍人而言天避實而逃空豈非所謂畫鬼魅之技哉任意造作人皆予智虛無渺茫不可究詰何者無一定不易確乎不拔之道以範圍之而不過也。

是故其講學論事純從主觀苟興之所至不憚顛倒黑白翻覆天地以從吾之所好如仲景傷寒論自金元以來何學者之囂囂耶方仲行喻嘉言程郊倩輩則移易其次序謂爲叔和所亂王安道以爲治直入卽病之方秦皇士以爲治北方冬月之病王秉衡以爲總治外感之書徐洄溪以爲多救誤治之法陳修園以三百九十七節謂卽三百九十七法此數子者皆持之有故言之成理下筆之際前無古人後無來者而當其世皆負盛名具大神通之良醫也皆藥到病除應如桴鼓者也然而議論之不同如此吾意空理與實效其截然兩物如

風馬牛之不相及者乎。不然。何持論各異而收效不殊耶。吾意麻黃桂枝之發汗甘遂大戟之利水藥物之作用。未始有變。以說者之主觀不同而客觀之現象。遂亦爲之顛倒錯亂。其利口能文者。遂若左右逢源。眞得千古之祕耳。故走方行醫。目不識丁者。亦有能治之病。當其應手而愈。亦祇知其當然。不幸而爲利口能文者所躬逢。乃穿鑿附會。鋪張其幽閉荒唐之說。以神之矣。吾甬濱海斥鹵人多業漁。舵工之老有經驗者。仰視天文。知風雨之期。俯察水色。知地面所在。然皆目不覩經緯之儀。生不知推步之學。皆得之於經驗。所謂審慎乎客觀。唯物之現象者也。吾意中醫之已病。亦猶乎此。而藉玄言以自文者。欺人者也。嗟乎。以吾國醫學積四千年之經驗。名方良藥。流傳人間。設爲中醫者能降心下氣。習西醫解剖生理。病理藥理。諸實學實事。求是以察我國方藥之效用。遠紹神農本草。實驗之精神。一變從前虛僞不根之謬說。吾知必有眞理。可以發揮。以貢獻於世界者。今也取確實可憑之事實。而以不可理解之空言牽強附會之。故聚訟千載。莫知所衷。發言盈庭。而聲聞不能越國境。其書滿家。曾不能見。採用於世界也。哀哉。言之無徵。無徵不信。不信人弗從也。讀吾西醫內科之書。可以知大經大法。一定不變。懸諸國門。而無以難百世。以俟聖人而不惑者也。本之乎。

解。剖。徵。之。乎。實。驗。範。圍。乎。自。然。科。學。之。律。令。審。慎。乎。客。觀。唯。物。之。現。象。知。之。爲。知。之。不。知。爲。不。知。不。以。荒。唐。無。稽。之。莠。言。經。緯。之。也。眞。理。之。所。在。非。人。可。得。而。顛。倒。也。余。懼。世。人。之。讀。是。書。猶。以。王。衡陸。九輩。之。見。相。誚。也。故。聊。爲。一。言。以。告。乎。世。之。好。學。而。深。思。者。

凡例

一是書仿德國 J. von Meining 氏內科學體裁。由各專門家分科撰述。專備實地醫家臨症之參考。以及學校教科書之用。故玄理高論。概從省略。指陳本末。務求簡賅。以期切於實用。

二各科分撰。各人有獨特之意見。其所根據之學說及所用參考書。亦各隨其理想實驗。以爲出入。故各科自立一幟。不拘於一定之體例。

三歐西人地名藥名。及種種專門名詞。無義可譯者。概錄原文。不敢強爲譯音。其譯義者。亦必附原文於下。以免歧誤。

四吾國科學上所用名詞。尙無統一之標準。二三年來。醫學界有名詞審查會。骨學名詞甫由教育部審定公布。而本書印刷業已就緒。故其中所用名詞。有未及改正者。讀者諒之。本書所用度量衡。概從法國米突制。即民國四年公布之萬國權度通制。書中或用原文。或用譯字。今對列於左。以便檢覈。

五

度

Meter 米突(密達邁當)
Centimeter (百分米之一)
Millimeter (千分米之一)
Mikron (千分耗之一)

略作 m. 米

略作 cm. 厘

略作 mm. 耗

略作 μ

Gramm 克蘭。格蘭姆。

略作 g. gm. gr. 克

(注意) gr. 與英國克林 grain 之略號相同宜注意)

衡 Centigramm (百分克之一)

略作 cg. 厘

Milligramm (十分克之一)

略作 mg. 毫

Kilogramm (千克)

略作 kg. 鈞

Liter 立特

略作 L. 立

量 Cubiccentimeter 立方厘

略作 cc. cm.³ cc. 厘

附 Prozent (百分率)

略作 %

Promille (千分率)

略作 ‰

六 本書處方。悉準藥物學之定例。無論固體藥。液體藥。但書一〇或〇〇一等者。皆爲重量。以克蘭計算者也。其液體藥物之容量立方厘計算者。如一〇 c.c. 或〇〇一 cc. 等。數目字下。必有 cc. cm. 字樣。

七 本書藥量。有用一刀尖。一食匙。一茶匙。半酒杯者。皆指番菜館洋刀湯匙。珈琲茶匙。葡萄酒杯而言。我國人家。備此者極稀。今各揭其重量之大略如左。

一刀尖

一〇乃至二〇

一茶匙

四〇乃至五〇 ccm.

一小兒匙

八〇乃至一〇〇 ccm.

一食匙

一五〇 ccm.

一酒杯

一〇〇〇乃至一二〇〇 ccm.

內科全書總目

急性傳染病

汪企張編 (一三—一〇三)

新陳代謝疾患

吳濟時編 (一〇五—一四三)

呼吸器病

余雲岫述 (一四五—二四九)

消化器病篇

盛在珩編 (二五一—四一四)

循環器疾病

循環器疾病

朱其輝著 (四一五—四六五)

血液疾患

朱其輝著 (四六六—四八九)

脾臟疾病

余雲岫述 (四九〇—四九二)

神經系統疾病

朱其輝編 (四九三—六九八)

泌尿生殖器病

張黻卿編著 (六九九—七九〇)

運動器病

余雲岫述 (七九一—八二三)

索引

急性傳染病

目錄

頁數

第一 傷寒

一

第二 異性傷寒(副傷寒)

九

第三 流行性感冒

一〇

第四 Dengue

一四

第五 粟粒熱(英吉利發汗)

一六

第六 間歇熱(瘧)

一七

第七 再歸熱

二六

第八 黃熱

二八

第九 敗血膿毒症(全身腐敗症及膿毒症)

二九

第十 急性全身粟粒結核

三二

第十一 鼠疫(黑死病)

三四

第十二 霍亂(亞細亞霍亂)

三七

第十三 赤痢

四二

第十四 地方病性赤痢(熱帶性赤痢·Amöba性赤痢)

四六